

Na osnovu člana 16. stav 2. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona”, broj: 7/10 i 3/23), člana 46. stav (4) Zakona o izvršavanju Budžeta Zeničko-dobojskog kantona za 2024.godinu („Službene novine Zeničko-dobojskog kantona”, broj: 21/23 4/24 i 12/24), na prijedlog Ministarstva zdravstva, Vlada Zeničko-dobojskog kantona, na 67. sjednici, održanoj 14.02.2025. godine, d o n o s i

O D L U K U

o usvajanju Izvještaja o utrošku sredstava po Programu utroška sredstava Ministarstva zdravstva na poziciji „Tekući transfer za nabavku vakcina“ Budžeta Zeničko-dobojskog kantona za 2024. godinu

Član 1.

(Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji „Tekući transfer za nabavku vakcina“ Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 13/24), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-2762/25

Datum, 14.02.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA MINISTARSTVA ZDRAVSTVA NA
POZICIJI „TEKUĆI TRANSFER ZA NABAVKU VAKCINA“ BUDŽETA ZENIČKO-
DOBOJSKOG KANTONA ZA 2024. GODINU**

I UVOD

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koriste se prema programima utroška koje donosi Vlada Kantona.

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 12/24 i 24/24) na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX001 „Tekući transfer za nabavku vakcina“ planirana su sredstva u iznosu 120.000,00 KM.

Vlada Zeničko-dobojskog kantona Odlukom broj: 02-11-11259/24 od 14.06.2024. godine usvojila je Program utroška sredstava Ministarstva zdravstva na poziciji „Tekući transfer za nabavku vakcina“ Budžeta Zeničko-dobojskog kantona za 2024. godinu iznosu 120.000,00 KM.

Članom 46. stav (4) Zakona o izvršavanju Budžeta Zeničko-dobojskog kantona za 2024. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

JU Institut za zdravlje i sigurnost hrane Zenica je dopisom broj: 02-1356/24 od 29.04.2024. godine Ministarstvu zdravstva dostavila plan nabavke vakcina po količinama i vrstama sa iskazanom procijenjenom vrijednosti, u skladu sa trenutnom epidemiološkom situacijom u Zeničko-dobojskom kantonu.

Na prijedlog Ministarstva, Vlada Kantona je Odlukom broj: 02-11-11259/24 od 14.06.2024. godine usvojila Program utroška sredstava Ministarstva zdravstva na poziciji „Tekući transfer za nabavku vakcina“ Budžeta Zeničko-dobojskog kantona za 2024. godinu iznosu 120.000,00 KM.

Odlukom o odobravanju sredstava broj: 02-11-12714/24 od 12.07.2024. godine JU Institut za zdravlje i sigurnost hrane Zenica odobrena su sredstva u ukupnom iznosu 120.000,00 KM za nabavku vakcina i to za nabavku:

- a) vakcina protiv bjesnila u vrijednosti 40.800,00 KM i
- b) vakcina protiv sezonske gripe u vrijednosti 79.200,00 KM.

U skladu sa članom 2. stav (2) navedene Odluke sredstva će se transferisati na transakcijski račun Instituta za zdravlje i sigurnost hrane Zenica broj: 1418010001937146, nakon

provedenog postupka javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22), a u skladu sa zaključenim ugovorom o nabavci.

JU Institut za zdravlje i sigurnost hrane Zenica je dopisom broj: 02-4109/24 od 13.11.2024. godine izvijestila Ministarstvo zdravstva da su okončani postupci nabavke vakcina i da su zaključeni sljedeći okvirni sporazumi:

- a) Okvirni sporazum za nabavku vakcina protiv virusa gripe za sezonu 2024/2025 sa „PHARMA MAAC“ d.o.o. Sarajevo, broj: 02-1762/24 od 29.05.2024. godine, ukupne vrijednosti 79.238,25 KM koji se odnosi na nabavku 3.500 doza vakcina protiv gripe i
- b) Okvirni sporazum za nabavku inaktivisane purifikovane vakcine protiv bjesnila pripremljene na veroćelijama sa „PHARMA MAAC“ d.o.o. Sarajevo, broj: 02-1763/24 od 29.05.2024. godine, ukupne vrijednosti 40.747,59 KM koji se odnosi na nabavku 390 doza vakcina protiv bjesnila.

Sredstva odobrena Odlukom transferisana su na žiro-račun JU Institut za zdravlje i sigurnost hrane Zenica dana 09.12.2024. godine u iznosu 119.985,84 KM na osnovu dostavljenih faktura dobavljača (PF24-022458 od 31.10.2024. godine i PF24-024279 od 21.11.2024. godine.)

U sljedećem tabelarnom pregledu dat je pregled raspoređenih vakcina protiv gripe po zdravstvenim ustanovama:

Redni broj	Naziv zdravstvene ustanove	Količina doza
1.	JU Dom zdravlja Breza	200
2.	JU Dom zdravlja Doboj Jug	40
3.	JU Dom zdravlja Kakanj	200
4.	JU Dom zdravlja Maglaj	200
5.	JU Dom zdravlja Olovo	190
6.	JU Dom zdravlja Tešanj	360
7.	JU Dom zdravlja Usora	90
8.	JU Dom zdravlja Vareš	100
9.	JU Dom zdravlja Visoko	300
10.	JU Dom zdravlja Zavidovići	200
11.	JU Dom zdravlja Zenica	1128
12.	JU Dom zdravlja Žepče	200
13.	JU Kantonalna bolnica Zenica-pacijenti	247
14.	JU Opća bolnica Tešanj-pacijenti	45
Ukupno		3500

U toku 2024. godine prijavljeno je ukupno 137 ugriza, najčešće ugriza pasa litalica. Ukupno je vakcinisano 87 povrijeđenih.

Ukupni troškovi po osnovu Tekućeg transfera za nabavku vakcina iznose **119.985,84 KM**, što je 99,98% sredstava planiranih Budžetom Zeničko-dobojskog kantona za 2024. godinu.

Zenica, februar 2025. godine

MINISTRICA

dr Aida Salčinović